

PULITIKA RILATIVU A RIKIZITUS PA GRADUASON DI BOSTON PUBLIC SCHOOLS

ORDENADU, ki Kunité Skular aprova Pulitika en aneksu rilativu a Rikizitus pa Graduason na Boston Public Schools:

Es pulitika, asin komu Sirkularis di Superintendentis autorizadu nes dokumentu, ta bai djuda lidere skular, administradoris, profesor is y pesual na kunprimentu di sis obrigason nu ki ta rifiri a garanti alunus un asesu ekuitativu a kursus rigurozu na tudu distritu.

Na vutason numinal, Orden foi aprovalu pa siginti vutason:

A FAVOR -
KONTRA -
AUZENTI -

Atesta:

Elizabeth A. Sullivan
Sikretária Izekutiva

PULITIKA RILATIVU A RIKIZITUS PA GRADUASON NA BOSTON PUBLIC SCHOOLS

Tudu alunu - independentimenti di rasa, etnia, jéneru, difisiensia, orientason seksual, rilijion, statutu di sidadania, statutu sosio-ikunómiku o kódigu postal - ta meresi un idukason y opurtunidadis iselentis, kultural y linguistikamenti rilevantis ki ta djuda-s atinji sis plenu putensial. BPS ta atendi alunus altamenti talentozus ki é afetadu pa bareras susial, sistémiku y susial, y rasismu dentu y fora di skola. Serka di 30.000 alunu di BPS (más di 50% di nos pupulason studantil) teni nesesidadis spisifiku komu Aprendizis di Inglés y/o alunus ku difisiensias, y/o ta infrenta disvantajens ikunómiku. Alunus Negru y Latinu ta riprezenta 76% di matrikulas di BPS. Stórikamenti, rapazis Negru y Latinu, Aprendizis di Inglés, y alunus ku difisiensia ten sidu eskluidu di asesu a kursus más rigurozu y a anbientis di ensinu jeral inkluzivu a taxas dispursiunadu.

Ilimina lakunas di opurtunidadis y rializason y afirma kapasidadi infinitu di nos alunus pa rializa sis speransa y sonhu, é fundamental pa mison di distritu di garanti ki tudu kriansa na kada sala di aula di kada skola ta risebi kuzé ke mesti. Nu ta bai toma mididas audasiozu, diliberadu y splisitu pa ilimina lakunas di opurtunidadis y rializason di nos alunus más vulnerável.

Manutenson di pulitikas ki ta inpulsiona alunus pa Universidadi, Kareira y Priparason pa Vida y ki ta garanti ki rikizitus pa graduason ta ser uniformi, transparenti, rigurozu y konsistenti na distritu y ki ta asigura kapasidadi di nos intervinientis di kunfia na konprumisu di distritu ku ikuidadi, é fundamental pa es risponsabilidadi. Es pulitika ta afirma konprumisu di distritu di propursiona un abienti di aprendizajen rigurozu y ekuitativu a tudu alunu, en partikular na nivel sikundáriu, independentimenti di skola kes sta matrikuladu na el, y ta reji rikizitus di graduason a nivel distrital pa tudu alunu di Boston Public Schools.

Na implementason des pulitika, the Boston Public Schools ta bai **dizenvolvi** y manti Sirkularis di Superintendenti ki: (1) dilinia prusidimentus di manutenson di sistemas pa garanti ma kursus ta ser rigurozu y alinhadu ku normas DESE; (2) splika prusidimentus spisifiku pa skolas obten dispensa di kursus rigurozu; (3) dilinia furmuláriu spisifiku, listas di virifikason, apruvasons y fleksibilidadis pirmitidu; (4) dilinia prusesus pa ividensia konkluzon di rikizitus di graduason. Kes sirkularis ta bai ser dizenvolvidu **antis di prazu di implimentason di 1 di Julhu di 2022 y aprizentadu a kumité Skular.**

Siparadamenti, komu un konplimentu des pulitika y ti 1 di Junhu di 2022, distritu debi dizenvolvi un planu stratéjiku anual ki ta inkurpora tantu apoius distrital komu planus baziadu na skolas y ki ta inklui o siginti:

(1) orsamentus skular pa plenu izekuson;

(2) sinatura di pruváveis prusesus organizasiunal pa gabineti di orsamentu y pa dirijenti di skola, pa orsamentu di FY23;

(3) identifikason di inpaktus di perda di aprendizajen pandémiku pa pupulasons

vulnerável ki ta bai inklui ba alunas asima di idadi y ku kréditu insufisienti, alunas ku difisiensias y Aprendizis di Lingua Ingleza;

(4) provas ma skolas kunpri etapas fundamental pa si implimentason ;

(5) un prusesu transparenti di risponsabilizason peranti Komité Skular y kumunidade; Keli ta inklui un rilatóriu trimestral pa pa Komité Skular

(6) un prusesu pa asigura ma tudu alunu ku difisiensia ta teni asesu a MassCore ku mudifikasons diterminadu pa Ikipa di IEP di alunu;

(7) un prusesu pa ki alunas multilingi y Alunas di Lingua Ingleza ta ser kreditadu pa sis ativu linguistiku adikiridu antiriormenti;

(8) un prusesu di transkrison ki ta kredita alunas pa kursus previamenti konkluidus (inkluidu internasiunalmenti);

(9) difinisons di prusesus di vias pa graduason pa alunas ilejiveis pa MCAS-Alt;

(10) artikulasons di prusidimentus rigurozu di dispensa di kursu pa binifisia alunas duplamenti matrikuladu na instituisons di ensinu supirior, prugramas di trabadju y aprendizajen, o otus via aseleradu, inkluidu prugramas di kareira y idukason tékniku di Kapitulu 74;

(11) prusesu di identifikason di kursus di nivel médiu ki sta alinhadu ku rigor di MassCore y ta asigura ma alunas ta ser dividamenti kreditadus pa konkluzon ben susididu di kes kursu;

(12) prusesu y kritérius pa alinhamentu di apruvason di kursus ku normas y rikizitus di DESE;

(13) prusesus pa garanti ma tudu alunu ta teni oportunitadi di dimonstra duminu di kontiudus na orden;

(14) prusesu pa dizigna alunas ku fluensia y alfabetizason dimonstradus na lingua(s) diferenti(s) di Inglés atendendu a rikumendasons di MassCore;

(15) prusesu pa asigura ma alunas ta podi risebi kréditus pa duminu di kontiudu dimonstradu, apizar des ka ter adikiridu "tenpu di asentu" nun kursu obrigatóriu;

(16) un prusesu pa ki alunas matrikuladu nun prugrama di studus di Kareira y Idukason Tékniku apruvado pa Stadu ta teni opson di opta pa ka partisipa na World Language and Art (Lingua Mundial y Arti) y inda kunpri MassCore.

(17) Un prusesu paralelu ma siparadu pa alunas matrikuladu na skolas y prugramas di idukason altirnativu ki ta alinha ku fazi di sinku anu stabelesidu pa distritu pa implimentason di MassCore pa ensinu altirnativu.

Adoson di Kursu di Studus Rikumendadu pa Dipartamentu di Ensinu Báziku y Sikundáriu komu Rikizitu di Graduason di Boston Public Schools

Komité Skular di Boston Public Schools teni risponsabilidadi di kria pulitikas y práttikas ki ta apoia priparason di kada alunu pa sta na universidadi, na kareira y na vida y ki ta rimovi bareras ki ta intefiri ku graduason di alunas di BPS prontus pa ten susesu na prósimu stájiu di sis vida. Asin, é inperativu ki nu adota padrons alinhadu ku rikizitus di graduason na tod u distritu ki ta bai prumovi y garanti rigor y iselensia di nos skolas, rizultandu na iliminason di lakunas di oportunitadi y di rializason y garantindu ma tudu alunu formadu ta pripara pa vida dipos di ensinu médiu. Alen disu, nu ten ki kria rikizitus di graduason konsistentis pa familias y alunas podi ten un konprienson klaru di kursus ki mesti ser konkluidu pa un alunu risebi un diploma di BPS.

Rikizitus di MassCore

BPS ta bai adota Kursu di Studu Rikumendadu di MassCore komu si Rikizitu di Graduason pa tudu alunu di distritu. Spisifikamenti, é nesesaríu sigintis kréditu, na várius katiguria di kontiudu, pa graduason na Boston Public Schools.

Figura di baxu ta riprezenta vizualmenti rikizitus di kursu pa graduason.

<i>Kuluna 1</i>	<i>Kuluna 2</i>	<i>Kuluna 3</i>
Katiguria di Kontiudu	Unidadis	Kursus
Artis di Lingua Ingleza	4	1. _____ 2. _____ 3. _____ 4. _____
Matimátika	4	1. Aljibra II -O- Matimátika Integradu (Aljibra) 2. _____ 3. _____ 4. _____ <i>Alunus podi skodji tanbe un kursu di Siensias Infurmátiku alinhadu a MassCore</i>
Siensias Laburatorial	3	1. _____ 2. _____ 3. _____ <i>Alunus podi skodji tanbe kursu STEM o Siensias Infurmátiku alinhadus a MassCore, inkluidu AP CS</i>
Stória y Studus Susial	3	1. Stória Mundial 2. Stória di Stadius Unidu 3. Studus Étniku (Afro-amerikanu, Latinu, Aziátikus di Pasifiku, Studus Nativu Amerikanu)
Lingua Mundial	2	1. _____ 2. _____ <i>Anbus unidadi é du mesmu lingua.</i>
Idukason Fiziku	1	Alunus ta bai ten un kursu di un kuartu (o ikivalenti) di PE pa anu o un ikivalenti.
Artis	1	Alunus ta bai ten un kursu di un kuartu (o ikivalenti) di Artis pa anu o un ikivalenti kumulativu.
Iletivus Prinsipal	5	1. _____

		2. _____ 3. _____ 4. _____ 5. _____ Ta inklui kursus di Kareira, Idukason Tékniku
--	--	---

Difinisons

Unidadis y "Tenpu di Asentu"

Un unidadis ta riprezenta un anu akadémiku konpletu di studu o si ikivalenti nun disiplina ki ta abranji tudu padrons kontidu nun Kuadru Kurikular spisifiku, ma ka ta signifika ma alunus debi "sta xintadu" nun turma duranti un numeru spisifiku di oras, pa risebi kréditus pa kursu; pelu kontráriu, alunus ta dimonstra duminiu di kunhisimentus y kompetensias riprezentadus pa un unidadis di instruson. Alunus podi tanbe risebi kréditus pa "testa", rikupera o asilera un kursu, konformi diliniadu na Sirkularis di Superintendenti.

Kursus baziadu na Kompetensias

Kursus baziadu na kompetensia, na undi alunus ta avansa y ta ganha kréditus dipos di un duminiu dimonstradu, é ilejiveis pa konsiderason komu kréditu MassCore ilejivel. Keli ta inklui kursus y duminiu akumuladu através di dupla matrikula.

Rikizitus di Graduason Statal

Es pulitika ka ta substitui y é ka sta bai substitui rikizitus di graduason di Dipartamentu di Ensinu Báziku y Sikundáriu. Rikizitus di graduason di ensinu sikundáriu statal ta inklui aspetus di stória y sivismu di Stadius Unidu, idukason fiziku, y obtenson di un "determinason di kompetensia" [apruvason di notas na Nivel 10 di Artis di Lingua Ingleza y matemátika y na testis di Siensias y Teknolujia/Injinharia di Ensinu Médiu di Sistema di Avaliason Abranjenti di Massachusetts (MCAS)]. Pa alunus ki ka ta pasa un testi MCAS, idukadoris ta dizenvolvi un Planu di Prufisiensia Idukasiunal (EPP) pa disiplina(s). Alunus mesti atendi a rikizitus di kursu pa si EPP, alen di atendi a rikizitus di MassCore.

Idukason Fiziku

MassCore ta rifleti izijensia legal di ki idukason fiziku ta ser inxinadu komu un disiplina obligatóriu na tudu graus. Alunus podi atendi rikizitus através di un programa organizadu di atividadi fiziku instrusiunal inkluidu, ma sen sta limitadu a: partisipason na atletismu interskular, patinajen, ókei, dansa, ioga, artis marsial, kapuera o natason y na kualker atividadi fiziku através di programas skular o kumunitáriu, o studu indipendenti.

Kareira y Idukason Tékniku

Alunus inskritu nun programa di Kapitulu 74 apuvadadu pa DESE podi kunpri rikizitus di MassCore sen kunpri rikizitus di artis y idiomas mundial. Rikizitus en matéria di artis y linguas mundial podi ser dispensadu, nu intantu alunus é fortimenti inkurajadu a frikuenta kes kursu.

Kronograma di Implimentason

Es pulitika ta entra en vigor a 1 di Julhu di 2022, dependendu di konkluzon y submison pa distritu, di planu stratéjiku li referensiadu, a Kunité Skular. Distritu debi implimenta konkluzon di MassCore komu un rikizitu di graduason a partir di Otonu di 2022.

-fin-